

釋

史

卷百四十八至百五十

釋史卷八十六

孔子類記三

刪述下

左傳

哀公

十四年春西狩於大野叔孫氏之車子鉏商獲麟以爲

不祥以賜虞人仲尼觀之曰麟也然後取之

公羊傳何以書記異也何異爾非中國之獸也然則孰狩之薪
采者也薪采者則微者也曷爲以狩言之大之也曷爲大之爲
獲麟大之曷爲爲獲麟大之麟者仁獸也有王者則至無王者
則不至有以告者曰有麋而角者孔子曰孰爲來哉孰爲來哉
反袂拭面涕泣袍顏淵死子曰噫天喪予子路死子曰噫天祝
予西狩獲麟孔子曰吾道窮矣春秋何以始乎隱祖之所逮聞

也所見異辭所聞異辭所傳聞異辭何以終乎哀十四年曰備
矣君子曷爲爲春秋撥亂世反諸正莫近諸春秋則未知其爲
是與其諸君子樂道堯舜之道與未不亦樂乎堯舜之知君子
也制春秋之義以俟後聖以君子之爲亦有樂乎此也

穀梁傳引取之也狩地不地不狩也非狩而曰狩大獲麟故大
其適也其不言來不外麟於中國也其不言有不使麟不恒於
中國也

孔叢子叔孫氏之車子鉏商樵於野而獲獸焉衆莫之識以爲
不祥棄之五父之衢冉有告夫子曰麕身而肉角豈天之妖乎
夫子曰今何在吾將觀焉遂往謂其御高柴曰若求之言其必
麟乎到視之果信言偃問曰飛者宗鳳走者宗麟爲其難致也

敢問今見其誰應之子曰天子布德將致太平則麟鳳龜龍先
爲之祥今宗周將滅天下無主孰爲來哉遂泣曰予之於人猶
麟之於獸也麟出而死吾道窮矣乃歌曰唐虞世兮麟鳳遊今

非其時吾何求麟兮麟兮我心憂

其左足將以示孔子孔子道與相逢見晚而

泣抱麟曰爾孰爲來哉孰爲求哉反袂拭面仰視其人龍顏曰吾夫子來麟之口須臾吐三卷
圖一爲赤伏劉李興爲王二爲周滅夫子將終三爲漢制造作孝經夫子還謂子夏曰新主將
起其人如得麟者季經石契孔子夜夢三槐之間豐沛之邦有赤烟氣起乃呼顏淵子夏往
觀之驅車到楚西北范氏之街前芻兒捋麟傷其左前足東薪而覆之孔子曰兒來汝姓爲誰
兒曰吾姓爲赤誦字時焉名受紀孔子曰汝豈有所見乎兒曰吾有所見一禽如鸛羊頭上有
角其末有肉方以是西走孔子曰天下已有主也爲赤劉陳項爲輔五星入井從歲星見發薪
下麟視孔子孔子趨而往麟耳其耳吐三卷圖廣三寸長八寸每卷二十四字其言赤劉當起
曰周已赤氣起大曜興立丘制命帝卯金○荒謬春秋說題辭得麟之月孔子謂子夏曰天
當有血書魯端門子夏往候之逢一郎言門有血往寫之云趣作法孔聖沒周姬已替東出秦
政起胡破術書記散孔不絕血書蜚爲赤鳥化爲帛書署曰演孔圖中有作圖制法之狀周
秋演孔圖麟出周已故作春秋制素王授當興也鳥化爲書孔子奉以告天赤雀集書上化
爲黃玉刻曰孔提命作應法爲制赤雀集孔子曰丘作春秋云受演孔圖中有大玉刻一版
曰噬嗑一低一昂是七期驗

敗毀滅之徵也○緯書妄誕

史記子曰弗乎弗乎君子病沒世而名不稱焉吾道不行矣吾何以自見於後世哉乃因史記作春秋上至隱公下訖哀公十四年十二公據魯親周故殷運之三代約其文辭而指博故吳楚之君自稱王而春秋貶之曰子踐土之會實召周天子而春秋諱之曰天王狩于河陽推此類以繩當世貶損之義後有王者舉而開之春秋之義行則天下亂臣賊子懼焉孔子在位聽訟文辭有可與人共者弗獨有也至於爲春秋筆則筆削則削子夏之徒不能贊一辭弟子受春秋孔子曰後世知丘者以春秋而罪丘者亦以春秋 齊晉秦楚其在成周微甚封或百里或五十里晉阻三河齊負東海楚介江淮秦因雍州之固四國迭興更爲伯主文武所褒大封皆威而服焉是以孔子明王道

于七十餘君莫能用故西觀周室論史記舊聞與於魯而次春秋上記隱下至哀之獲麟約其辭文去其煩重以制義法王道備人事浹七十子之徒口受其傳指為有所刺譏褒諱挹損之文辭不可以書見也魯君子左丘明懼弟子人人異端各安其意失其真故因孔子史記其論其語成左氏春秋

春秋感精符孔子受端門之命制春秋之

義使子夏等十四人求周史記得百二十國書九月經立

嚴氏春秋孔子將修春秋與左

丘明乘如周觀書於周史歸而修春秋之經丘明為之傳共為表裏

孝經鉤命訣孔子作春

秋二尺四寸之策書之孝經一尺二寸書之

抱朴子仲尼春秋成紫微降光

子曰吾

欲載之空言不如見之於行事之深切著明也

春秋繁露仲尼之作春秋也上探止天端王公之位萬物民之

所欲下明得失起賢才以待後聖故引史記理往事正是非也

王公史記十二公之間皆衰世之事故門人惑孔子曰吾因其

行事而加乎王心焉以爲見之空言不如行事博深切故子貢
閔子公肩子言其切而爲國家資也其爲切而至於殺君亡國
奔走不得保社稷其所以然是皆不明於道不覽於春秋也故
衛子夏言有國家者不可不學春秋不學春秋則無以見前後
旁側之危則不知國之大柄君子重任也故或脅竄失國擗殺
於位一朝至爾苟能述春秋之法致行其道豈徒除禍哉乃堯
舜之德也

春秋據誠圖孔子作春秋陳天人之際記異考符 論衡孔子之春秋素王之業也諸子之傳書素相之事也 淮南子春秋二百四十二年亡國五十二統

君三十六采善鉅慨以成王道論亦博矣

春秋隱公元年春王正月三月公及邾儀父盟于蔑夏五月鄭
伯克段于鄆秋七月天王使宰咺來歸惠公仲子之賵九月及
宋人盟于宿冬十有二月祭伯來公子益師卒

○凡邾公羊俱作邾費 蔑公羊敷梁並作昧

二年春公會戎于潛夏五月莒人入向無駭帥師入極秋八

月庚辰公及戎盟于唐九月紀裂繻來逆女冬十月伯姬歸于

紀紀子帛莒子盟于密十有二月乙卯夫人子氏薨鄭人伐衛

○無駭殺梁作傷裂繻公穀
並作履繻帛公穀並作伯三年春王二月己巳日有食之三月庚戌天

王崩夏四月辛卯君氏卒秋武氏子來求賻八月庚辰宋公和

卒冬十有二月齊侯鄭伯盟于石門癸未葬宋穆公

○君氏公穀並
作尹氏穆公穀

並作四年春王二月莒人伐杞取牟婁戊申衛州吁弑其君完

夏公及宋公遇于清宋公陳侯蔡人衛人伐鄭秋翬帥師會宋

公陳侯蔡人衛人伐鄭九月衛人殺州吁于濮冬十有二月衛

人立晉

○州吁殺
梁作祝吁

五年春公矢魚于棠夏四月葬衛桓公秋衛師入邾九月考仲子之宮初獻六羽邾人鄭人伐宋螟冬十有二

月辛巳公子驅卒宋人伐鄭圍長葛○矢公穀並作觀六年春鄭人

來渝平夏五月辛酉公會齊侯盟于艾秋七月冬宋人取長葛

○渝公穀並作輪七年春王三月叔姬歸于紀滕侯李夏城中丘齊侯使

其弟年來聘秋公伐邾冬天王使凡伯來聘戎伐凡伯于楚丘

以歸八年春宋公衛侯遇于垂三月鄭伯使宛來歸祊庚寅

我入祊夏六月己亥蔡侯考父卒辛亥宿男卒秋七月庚午宋

公齊侯衛侯盟于瓦屋八月葬蔡宣公九月辛卯公及莒人盟

于浮來螟冬十有二月無駭卒○祊公穀並作邠浮來公穀並作包來九年春天王使

南季來聘三月癸酉大雨震電庚辰大雨雪挾卒夏城郎秋七

月冬公會齊侯于防○挾公穀並作防公羊作邠十年春王二月公會齊侯鄭

伯于中丘夏翬帥師會齊人鄭人伐宋六月壬戌公敗宋師于

營辛未取郕辛巳取防秋宋人衛人入鄭宋人蔡人衛人伐戴

鄭伯伐取之冬十月壬午齊人鄭人入郕○戴公穀並作郕十有一年春

滕侯薛侯來朝夏公會鄭伯于時來秋七月壬午公及齊侯鄭

伯人許冬十有一月壬辰公薨○夏字下公穀俱有五字時來公羊作祁黎桓公元年春

王正月公卽位三月公會鄭伯于垂鄭伯以璧假許田夏四月

丁未公及鄭伯盟于越秋大水冬十月二年春王正月戊申

宋督弑其君與夷及其大夫孔父滕子來朝三月公會齊侯陳

侯鄭伯于稷以成宋亂夏四月取郕大鼎于宋戊申納于大廟

秋七月杞侯來朝蔡侯鄭伯會于鄆九月入杞公及戎盟于唐

冬公至自唐○杞侯之杞公穀並作紀三年春正月公會齊侯于贏夏齊侯衛

侯晉命于蒲六月公會杞侯于郕秋七月壬辰朔日有食之既

公子翬如齊逆女九月齊侯送姜氏于謹公會齊侯于謹夫人

姜氏至自齊冬齊侯使其弟年來聘有年○紀公羊作紀四年春正月

公狩于郎夏天王使宰渠伯糾來聘○是年缺秋冬二時五年春正月甲戌

巳丑陳侯鮑季夏齊侯鄭伯如紀天王使仍叔之子來聘葬陳

桓公城祝丘狄蔡人衛人陳人從王伐鄭大雩螽冬州公如曹

○仍穀梁作任六年春正月寔來夏四月公會紀侯于成秋八月

壬午大閱蔡人殺陳佗九月丁卯子同生冬紀侯來朝○成穀梁作鄭

七年春二月巳亥焚咸丘夏穀伯綏來朝鄧侯吾離來朝○是年缺秋冬

二八年春正月巳卯烝天王使家父來聘夏五月丁丑烝秋伐

邾冬十月雨雪祭公來遂逆王后于紀九年春紀季姜歸于

京師夏四月秋七月冬曹伯使其世子射姑來朝十年春王

正月庚申曹伯終生卒夏五月葬曹桓公秋公會衛侯于桃丘
弗遇冬十有三年丙午齊侯衛侯鄭伯來戰于郎 十有一年

春正月齊人衛人鄭人盟于惡曹夏五月癸未鄭伯寤生卒秋
七月葬鄭莊公九月宋人執鄭祭仲突歸于鄭鄭忽出奔衛柔
會宋公陳侯蔡叔盟于折公會宋公子夫種冬十有二月公會

宋公子闕

○鍾公
羊作童

十有二年春正月夏十月壬寅公會杞侯莒

子盟于曲池秋七月丁亥公會宋公燕人盟于穀丘八月壬辰

陳侯躍卒公會宋公子虛冬十有一月公會宋公子龜丙戌公

會鄭伯盟于武父丙戌衛侯晉卒十有二月及鄭師伐宋丁未

戰于宋

○杞公穀竝作紀曲池公
羊作殿蛇虛公羊作鄭

十有三年春二月公會紀侯鄭伯已

巳及齊侯宋公衛侯燕人戰齊師宋師衛師燕師敗績三月葬

衛宣公夏大水秋七月冬十月 十有四年春正月公會鄭伯

于曹無冰夏五鄭伯使其弟語來盟秋八月壬申御廩災乙亥

嘗冬十有二月丁巳齊侯祿父卒宋人以齊人蔡人衛人陳人

伐鄭○夏五無月缺文也語穀梁作禦 十有五年春二月天王使冢父來求車三月

乙未天王崩夏四月己巳葬齊僖公五月鄭伯突出奔蔡鄭世

子忽復歸于鄭許叔入于許公會齊侯于艾邾人牟人葛人來

朝秋九月鄭伯突入于櫟冬十有一月公會宋公衛侯陳侯于

袤伐鄭○艾公羊作鄫穀梁作蕭宋公上公羊有齊侯袤公羊作修 十有六年春正月公會宋公蔡

侯衛侯于曹夏四月公會宋公衛侯陳侯蔡侯伐鄭秋七月公

至自伐鄭冬城向十有一月○齊侯朔出奔齊 十有七年春正

月丙辰公會齊侯紀侯盟于○齊侯朔出奔齊 丙午公會邾儀父盟于趙

夏五月丙午及齊師戰于奚六月丁丑蔡侯封人卒秋八月蔡

季自陳歸于蔡癸巳葬蔡桓侯及宋人衛人伐邾冬十月朔日

有食之○公會邾儀父之會公穀俱作及奚穀梁作郎十有八年春王正月公會齊侯于濼

公與夫人姜氏遂如齊夏四月丙子公薨于齊丁酉公之喪至

自齊秋七月冬十有二月己丑葬我君桓公○公羊無與字桓公十八年止四年春下有王其十四年

春下無王莊公元年春王正月三月夫人孫于齊夏單伯逆王姬秋

築王姬之館于外冬十月乙亥陳侯林卒王使榮叔來錫桓公

命王姬歸于齊齊師遷紀邾鄆鄆二年春王二月葬陳莊公

夏公子慶父帥師伐於餘丘秋七月齊王姬卒冬十有二月夫

人姜氏會齊侯于禚乙酉宋公馮卒○禚公羊作鄆三年春王正月溺

會齊師伐衛夏四月葬宋莊公五月葬桓王秋紀季以酈入于

齊冬公次于滑

○齊師穀梁作齊人滑公穀並作郎

四年春王二月夫人姜氏享齊侯

于祝丘三月紀伯姬卒夏齊侯陳侯鄭伯遇于垂紀侯大去其

國六月乙丑齊侯葬紀伯姬秋七月冬公及齊人狩于禚

○享公穀並作

樂禚公穀並作郎

五年春王正月夏夫人姜氏如齊師秋鄭穆來來朝冬

公會齊人宋人陳人蔡人伐衛

○鄭公羊作倪犁公穀並作黎

六年春王正月王

人子突救衛夏六月衛侯朔入于衛秋公至自伐衛螟冬齊人

來歸衛俘

○俘公穀並作寶

七年春夫人姜氏會齊侯于防夏四月辛卯

夜恒星不見夜中星隕如雨秋大水無麥苗冬夫人姜氏會齊

侯于穀

○辛卯夜之夜穀梁作昔凡隕公羊皆作寶

八年春王正月師次于郎以俟陳人

蔡人甲午治兵夏師及齊師圍郕郕降于齊師秋師還冬十有

一月癸未齊無知弑其君諸兒

○治公羊作祠

九年春齊人殺無知公

及齊大夫盟于蕲夏公伐齊納子糾齊小白入于齊秋七月丁

酉葬齊襄公八月庚申及齊師戰于乾時我師敗績九月齊人

取子糾殺之冬浚洙

○蕲公穀竝作暨納子糾公穀皆無子字

十年春王正月公敗齊師

于長勺二月公侵宋三月宋人遷宿夏六月齊師宋師次于郎

公敗宋師于乘丘秋九月荆敗蔡師于莘以蔡侯獻舞歸冬十

月齊師滅譚譚子奔莒

○舞穀梁作武

十有一年春王正月夏五月戊

寅公敗宋師于鄆秋宋大水冬王姬歸于齊 十有二年春王

三月紀叔姬歸于鄆夏四月秋八月甲午宋萬弑其君捷及其

大夫仇牧冬十月宋萬出奔陳

○捷公羊作接

十有三年春齊侯宋人

陳人蔡人邾人會于北杏夏六月齊人滅遂秋七月冬公會齊

侯盟于柯

○春齊侯之侯穀梁作人

十有四年春齊人陳人曹人伐宋夏單伯

會伐宋秋七月荆人蔡冬單伯會齊侯宋公衛侯鄭伯于鄆

十有五年春齊侯宋公陳侯衛侯鄭伯會于鄆夏夫人姜氏如

齊秋宋人齊人邾人伐鄭鄭人侵宋冬十月○鄭公羊作見十有六年

春王正月夏宋人齊人衛人伐鄭秋荆伐鄭冬十有二月會齊

侯宋公陳侯衛侯鄭伯許男滑伯滕子同盟于幽邾子克卒○會公羊

作公會許男下公穀並有曹伯十有七年春齊人執鄭詹夏齊人殲于遂秋鄭詹

自齊逃來冬多麋○詹公羊作瞻藏公羊作獵十有八年春王三月日有食之

夏公追戎于濟西秋有戡冬十月十有九年春王正月夏四

月秋公子結媵陳人之婦于鄆遂及齊侯宋公盟夫人姜氏如

莒冬齊人宋人陳人伐我西鄙二十年春王二月夫人姜氏

如莒夏齊大災秋七月冬齊人伐我○戎穀梁作我二十有一年春王